



14. januar 2008

Inatsisartut Suleriaasianni § 36 imm. 1 naapertorlugu Naalakkersuisunut imaattumik apeqquteqarpunga:

**Naalakkersuisunut apeqquteqaat: Namminersornerullutik Oqartussat inummut meeqqanik atornerluisimasumut nersornaasiinikuuppat aningaasanillu akissarsisitsillutik?**  
(Inatsisartunut ilaasortaq Astrid Fleischer Rex, Demokraatit)

**Tungavigisaq:**

18. december 2007 Inuuneq Nakuunerup 2007-imut qiimmassaatitut nersornaasiuttagaa inuttasaanut tunniunneqarpoq. Nersornaammik kaammattuummillu tunniussinnermut atatillugu Naalakkersuisut tusagassiuutitigut imaattumik nalunaaruteqarput, ”nersornaammik kaammattuummillu tunniussiffigineqartut tamarmik namminneq suliniuteqarnermikkut Naalakkersuisut innuttaaqatiigiit ataatsimut isigalugit peqqinnerulernissaannik siunniussaqaqarnerannut tapersersueqataasimapput.”

Nersornaasernerqartut ilaat 2008-p aallartinnerani KNR Radio-kkut saqqummerpoq. Aallakaatinneqartuni tassani taanna isertuannngivilluni inuunerminut, kiisalu siusinnerusukkut inuunerisimasaminut tunngasunik oqaluttuarpoq. Oqaluttuarnermini ilaatigut oqaluttuaraa meeqqanik kinguaassiuutitigut atornerluisimanini pillugit eqqartuussaasimalluni. Tamakkua tusarlugit ilumut tusaasakka upperinneqqaarsimagaluarpakka.

1. Ilumut Namminersornerullutik Oqartussat inuk meeqqanik kinguaassiuutitigut atornerluisimasooq nersornaasersimavaa aningaasanillu akissarsisillugu?

Naatsorsuutigaara apeqquteqaatigalu una, kiisalu apeqquteqaatikka matuma ataani allaqqasut Naalakkersuisut piaarnerpaamik akissuteqarfigissagaat:

2. Naalakkersuisut Inuuneq Nakuunerup 2007-imut kajumissaatitut nersornaasiutaa inummut meeqqanik kinguaassiuutitigut atornerluisimasut eqqaartuussaanicumut tunniunneqarsinera ilisimasimanerlugu?

a. Ilisimasimagunikku: sooq Naalakkersuisut nersornaasiuttagaq inummut taamaattumut tunniutissallu toqqarsimavaat?

b. Ilisimasimangikkunikku: Naalakkersuisut nersornaat utertikkumassavaat?

3. Naalakkersuisut isumaqarnerlutik Namminersornerullutik Oqartussat inuk pinerluummik taama annertutigisumik, tassa meeqqanik kinguaassiuutitigut atornerluisimanini pissutigalugu eqqartuussaasimasumut nersornaammik tunniussinissaq pissusissamisoortoq? Akissuteqaatissap tungavilersorneqarnissaa kissaatigineqarpoq.

4. Siunissami inuit meeqqanik atornerluisimasut pisortatigoortumik nersornaatinik tunineqartarnissaat pinaveersimatinniarlugu Naalakkersuisut qanoq iliuusissanik pilersitsinissamik isumaliuteqarnerlutik?

Apeqquteqaatit ullut suliffiusut qulit qaangiutsinnagit akussiteqarfiginissaat kissaatigineqarpoq.